

Homer un de Oostfresenkrimis

Wenn in Oostfreesland wükelk so vööl Lüü vermoordt worden deen as in de Dusenden van Oostfresenkrimis, denn gaff 't middlerwiel woll kien levende Oostfresen mehr. Dat bedüddt, dat Enn van de Oostfresenkrimis mutt tomaal komen: Irgendwennehr sünd blot noch so minn Oostfresen daar, dat se all mitnanner in de leste Oostfresenkrimi vörkomen mutten. Wenn se Glück hebben, blifft noch een över, de de Krimi schrieven deit. Dat heet, um Oostfresenkrimis to schrieven, mutt 'n ja gaar kien Oostfrees wesen.



Wilko Lucht

Spietelkerwies sünd de bekenntste Oostfresenkrimi-Autoren kien Oostfresen west (bi Bayern-Krimis un Allgäu-Krimis is dat raarderwies anders).

De in uns Dagen bekenntste Oostfresenkrimi-Autor hett tominnst en oostfreeske Unkel hatt. Daar proot he in sien Kolumnen ok faken noog van. Seker will he daarmit all de Kritikers, de seggen, totrocken Oostfresenkrimi-Autoren kunnen kien Oostfresenkrimis schrieven, de Wind ut d' Seils nehmen. Up de Wind un de Seils koom ik futt weer torügg.

Eerst noch maal weg van de Oostfreeslandkrimis un hen na mien Physikmester. De wuss, faker maal de een of anner Dörp- of Stedenname bi 't Verkloofiedeln van physikalische Phänomene fallen laten – dat kummt bi de Schölers an.

KOLUMNE

Moin, Moin
Schrievers moje
allerbest **Spraak** hoop
Pläseer **Vertellsel**
Smüstern

Platt maakt

Elk Schöler, de van Filsum, Esklum of Middelsterbörg kummt, freut sük, wenn de Mester ok mal van Filsum, Esklum of Middelsterbörg proten deit.

Haast nettso is dat in de Oostfreeslandkrimis (of överhoopt in all Regionalkrimis): Daar worden Autofahrten beschreven, waar Loog um Loog upföhrt word, so dat elke Leesder sük as in de Unnerricht van mien Physikmester föhlen deit (tominnst, wenn he de Logen kennt, de nöömt worden). En Dode word futt vööl lebenniger, wenn de Leesder weet, of he vör 't Emder Raadhus of achter d' Greetmer Möhlen to liggen kummt.

Man so en Verfahren is nich neei: Sogaar de Dichtungen van Homer, also mit de ollste Literatur, de överlevert is, wiesen datsülvige Prinzip up. In Homer sien Ilias geiht dat um de Krieg tegen Troja, un elke Stadt in Grekenland stüürt daar Schepen mit hen. Daar word denn ok elke Stadt mit Naam nöömt – nich to vergeten, wovööl Schepen elke Stadt bistüren deit. Daar sünd wi also weer bi de Wind und de Seils.

Spannend is so en Schepenkatlog seker nich – he geiht ok över mehr Sieden – man elk, de sien Stadt daarin weerfinnen dee, weer seker blied as en Klütje.